


綱鑑易知錄

五代

六十二之三

T 13
537
33



113
號 537
卷 33

尺木堂綱鑑易知錄卷六二

大正十五年二月

周之炯靜專

通鑑綱目定本

山陰吳乘權楚材同輯

周之燦星若

後晉紀

高祖皇帝

姓石名敬瑭西夷人唐明宗壻也為太原節度尋起兵滅唐受契丹冊命為皇帝在

位七年壽五十一歲而殂

綱

丁酉

晉天福二年。南唐烈祖徐誥昇元元年。是歲吳亡晉蜀漢閩南唐代吳凡五國吳越

凡三鎮

春正月晉以李崧同平章事充樞密使桑

綱鑑易知錄

卷六二

五代晉高祖

一

桑維翰輔
晉之功

維翰兼樞密使。時晉新得天下，藩鎮多未服從。或雖服從，反仄不安。兵火之餘，府庫殫竭，民間困窮。而契丹徵求無厭。維翰勸晉主推誠棄怨，以撫藩鎮。卑辭厚禮，以奉契丹。訓卒繕兵，以脩武備。務農桑，以實倉廩。通商賈，以豐貨財。數年之間，中國稍安。吳徐知誥建齊國。前年知誥封齊王。于金陵。徐知誥始建太廟。社稷改金陵為江寧府。今江南省治。以宋齊丘徐玠為左右丞相。周宗周廷玉為內樞使。夏四月，晉遷都汴州。天雄軍名治魏州。今直隸大名府。范延光聚卒繕兵，將作亂。

會晉主謀徙都大梁。即汴州。今河南開封府。桑維翰曰：大梁北控燕趙，南通江淮，水陸都會，資用富饒。今延光反形已露，大梁距魏不過十驛，彼若有變，大軍尋至，所謂疾雷不及掩耳。見二六卷二二二也。下詔託以洛陽漕運有闕，東巡汴州。綱：吳徐知誥更名誥。綱：五月，吳與契丹通使脩好。徐誥用宋齊丘策，欲結契丹以取中國也。綱：六月，晉范延光舉兵反，遣楊光遠等討之。晉以和凝為端明殿學士，張誼為左拾遺。綱：秋七月，吳徐誥稱帝，國號唐，奉吳主為讓皇。綱：吳主溥下詔禪位於齊。齊王誥即帝位於

南唐
讓皇

契丹改號

金陵國號唐遣丞相玠奉冊詣吳主稱受禪老臣詰
謹拜稽首上尊號曰高尚思玄弘古讓皇立王后
宋氏為皇后以景通見上卷為吳王更名璟綱契丹
改號遼綱是歲契丹改元會同國號大遼公卿庶官
皆倣中國參用中國人以趙延壽為樞密使尋兼政
事令

晉詔求直

言張允上駁
赦論

綱戊戌晉天福三年蜀廣政元年春二月晉詔求直
言綱左散騎常侍張允上駁赦論以為帝王遇天災
多肆赦謂之脩德借有二人坐獄遇赦則曲者幸免

置詳定院

薛融諫脩
洛陽宮

直者銜冤冤氣升聞乃所以致災非所以弭災也
詔褒之晉主樂聞讜言詔百官各上封事密奏也置
詳定院以考之無取者畱中可者行之數月應詔者
無十人復降御札趣之河南奏脩洛陽宮諫議大
夫薛融諫曰今宮室雖經焚毀猶侈於帝堯之茅茨
見一卷所費雖寡猶多於孝文之露臺見十四卷請俟
海內平寧營之未晚詔褒納之綱夏五月唐主誥遷
故吳主于潤州今江南鎮江府綱秋八月晉上尊號契丹
上尊號於契丹主及太后以馮道左僕射劉昫為

父皇帝

兒皇帝

王權恥使契丹

册禮使契丹主大悅晉主事契丹甚謹奉表稱臣謂契丹主為父皇帝其後契丹主屢止晉主上表稱臣但令為書稱兒皇帝如家人禮綱九月范延光復降于晉晉以為天平見上卷節度使綱冬十月契丹加晉主尊號綱晉停兵部尚書王權官目晉主遣權使契丹謝尊號權恥之謂人曰吾老矣安能向穹廬見四卷盧帳三屈膝乃辭以老疾晉主怒停權官綱十一月

綱已亥

晉天福四年閏王曦未隆元年春正月唐是歲南唐復姓李氏凡五國三鎮

春正月唐

主徐知誥復姓李氏

見五九卷二六

更名昇

綱二月晉加劉

知遠杜重威同平章事

目知遠自以有佐命功重威

起外戚無大功

恥與之同制制下數日杜門不受晉

主怒謂趙瑩曰知遠堅拒制命可落軍權令歸私第

瑩拜請曰陛下昔在晉陽兵不過五千為唐兵十餘

萬所攻危於朝露非知遠心如金石豈能成大業奈

何以小過棄之竊恐此語外聞非所以彰人君之大

度也晉主意乃解命和凝詣知遠第諭旨知遠惶恐

起受命綱夏四月晉廢樞密院綱秋七月晉以桑維

趙瑩諫棄劉知遠

翰為彰德節度治相州使。[目]楊光遠疏平章事桑維翰

遷除不公。與民爭利。晉主不得已出維翰鎮相州。今河

南彰德府[綱]閩王曦初名延義。相之叔。弒其主昶而自立。稱藩于

晉。[綱]八月。晉以馮道守司徒兼侍中。[目]詔中書知印

止委上相。由是事無巨細悉委於道。晉主嘗訪以軍

謀。對曰。征伐大事。在聖心獨斷。臣書生。惟知謹守。歷

代成規而已。晉主然之。寵遇無比。[綱]冬十二月。晉禁

造佛寺。

[綱]庚子。晉天福五年。是歲凡五國三鎮。秋七月。晉西京畱守楊光

馮道謹守
歷代成規

遠殺太子太師范延光。[目]延光請歸河陽。見上卷私

第許之。延光重載而行。光遠利其貨。且慮為子孫之

患。奏延光叛。臣恐其逃入敵國。宜早除之。不許。請敕

延光居西京。晉以洛陽為西京。從之。光遠使其子承貴以甲

士圍其第。逼令自殺。延光曰。天子賜我鐵券。見五九

爾父子何得如此。承貴以白刃驅延光擠於河。奏云

自赴水死。晉主知其故。憚光遠之彊。不敢詰。[綱]晉

以楊光遠為平盧節度。治山東青州府使。[目]光遠入朝。帝欲

徙之他鎮。謂光遠曰。圍魏之役。謂討范延光卿左右皆有

功尚未之賞今當各除一州以榮之因以其將校數人為刺史徙光遠鎮青州。

綱辛丑晉天福六年是歲凡五國三鎮夏四月唐遣使如晉且唐

主遣通事舍人歐陽遇如晉求假道以通契丹不許

自黃巢見五九卷二以來天下血戰數十年然後諸國各

有分開土兵革稍息及唐主即位江淮豐稔魚兵食

有餘羣臣爭言北方多難宜出兵恢復舊疆唐主曰

吾少長軍旅見兵之為民害深矣不忍復言使彼民

安則吾民亦安矣又何求焉**綱**六月晉成德節度直治

唐主不忍言兵

隸真定府使安重榮執契丹使者上表請伐契丹且重榮

恥臣契丹見其使者必箕踞見三三卷十二慢罵六月重榮

執契丹使拽葉刺丹使名上表數千言大抵斥晉主

父事契丹竭中國以媚無厭之虜又為書遺去朝貴

及移藩鎮云已勒兵必與契丹決戰晉主患之時鄴

都見上卷十一畱守劉知遠在大梁晉東京見上二泰寧節度治

東兗州府使桑維翰密上疏曰陛下免於晉陽之難而有

天下皆契丹之功不可負也今重榮恃勇輕敵非國

家之利不可聽也議者以歲輸繪情帛謂之耗耗本

桑維翰諫伐契丹

見卿奏如
醉醒

蠹有所卑遜謂之屈辱殊不知兵連禍結財力將匱
耗蠹孰甚焉武吏功臣過求姑息屈辱孰大焉臣願
陛下訓農習戰養兵息民俟國無內憂民有餘力然
後觀釁而動則動必有成矣又鄴都富盛國家藩屏
丙今主帥赴闕軍府無人乞陛下略加巡幸以杜姦
謀晉主謂使者曰朕比日以來煩懣滿不決今見卿
奏如醉醒矣綱秋七月晉以劉知遠為北京留守且
晉主憂安重榮跋扈見二二五以知遠為北京晉以晉
京今山西留守知遠微時為晉陽李氏贅壻見十一
太原府

劉知遠報
答已僧

多何市人之

嘗牧馬犯僧田僧執而笞之知遠至首名其僧命之
坐慰諭贈遺衆心大悅綱八月晉以杜重威為御營
使且馮道李崧屢薦重威以為御營使代劉知遠知
遠由是恨二相重威所至贖貨民多逃亡嘗出過市
謂左右曰人言我驅盡百姓何市人之多也

致堂胡氏曰晉祖為楊光遠而出桑維翰為杜
重威而出劉知遠此亡國之本也契丹之事翰
遠任之有餘矣委付不專則心不固施設不久
則政不堅他日契丹入寇維翰無權而知遠顧
望蓋晉祖使然也宰相以知人善任使為賢馮
道先薦杜重威復引景延廣此二人者實喪晉
國繼之者猶用而不置是不可曉也

南漢劉龔

綱晉主如鄴都。吳越文穆王錢元瓘卒子弘佐嗣。

綱冬十月。閩王曦稱帝。綱十二月。漢主龔更名龔。綱

漢主龔弟劉隱寢疾。有胡僧謂龔名不利。龔乃自造龔

字名之。義取飛龍在天。易乾卦九五。飛龍在天。讀若儼。

綱壬寅。晉天福七年六月。晉主重貴立。是歲凡五國三鎮。春正月。

晉以杜重威為順德節度使。綱晉改鎮州即真定府成德

軍為恆州。順德軍。以杜重威為節度使。重威表王瑜

為副使。瑜為之重斂於民。恆人不勝升其苦。綱夏四

月。漢主龔殂。子玠賓立。綱五月。唐以宋齊丘為鎮南

節度。治洪州。今江西南昌府。使。綱六月。晉主敬瑭殂。兄子齊王

重貴立。綱初。劉知遠遣親將郭威。以詔指招納吐谷

渾。西羌種名。龔長白承福。契丹遣使來讓。責也。晉主憂悒成

疾。一旦馮道獨對。晉主命幼子重睿胃出拜之。又令

宦者抱置道懷中。蓋欲道輔立之。六月。晉主殂。道與

侍衛馬步都虞候景延廣議。以國家多難。宜立長君。

乃奉齊王重貴為嗣。是日即位。延廣始用事。禁人偶

語。初。高祖疾亟。有旨召劉知遠入輔政。晉主重貴寢

之。知遠由是怨。綱秋七月。晉以景延廣為侍衛都指

後周祖郭威

綱監易和錄

卷六十二 五代晉出帝

揮使

出帝

名重貴。高祖兄敬儒之子。初封齊王。高祖殂。馮道背顧命而立之。在位三年。為契丹執之。以歸而晉亡矣。

晉主重貴仍稱天福八年

綱

癸卯。晉天福八年。南唐元宗璟保大元年。殷主王延政天德元年。南漢主晟乾和元年。是歲并殷凡六國三鎮。

春二月。晉主還東京。晉主之初即位也。大臣議奉表稱臣告哀於契丹。景延廣請致書稱孫

而不稱臣。李崧曰。陛下如此。他日必躬擐患也。甲冑

馮道依違其間

與契丹戰。於時悔無益矣。延廣固爭。馮道依違其間。晉主卒從延廣議。契丹大怒。遣使來責讓。延廣復以

不遜語答之。契丹盧龍節度見上卷使趙延壽欲代

晉帝中國。屢說契丹擊晉。契丹主頗然之。晉主謂契

丹將入寇。還東京。見上卷然猶與契丹問遺去聲相往

來無虛月。綱唐主昇殂。唐主餌方士丹。浸成躁急。

羣臣奏事。往往暴怒。然有論辯中理者。亦斂容謝之。

問道士王栖霞。何道可致太平。對曰。王者治心治身。

乃治家國。今陛下尚未能去飢臆。稱人反飽喜何論

太平。凡所賜予。皆不受。唐主疽發背疾。亟太醫吳廷

裕。遣親信名齊王璟入侍疾。唐主謂曰。吾餌金石。始

飢臆飽喜

王延政稱
帝號殷

楊剝皮

欲益壽乃更傷生汝宜戒之是夕殂祕不發喪下制
以齊王監國綱閩富沙古地名在建州城內王延政稱帝于建
州今福建建寧府國號殷王延政曦弟稱帝以潘承祐為吏
部尚書楊思恭為兵部尚書同平章事國小民貧軍
旅不息思恭以善聚斂得幸增田畝山澤之稅至於
魚鹽蔬果無不倍征國人謂之楊剝皮綱晉以桑維
翰為侍中綱唐主璟立漢晉王弘熙弒其主玠而
自立更名晟綱秋九月晉執契丹回圖使喬榮既而
歸之書志亂本也目初河陽見上牙將喬榮從趙延壽

入契丹契丹以為回圖使回轉移也往來販易於晉

置邸底舍也太梁至是景延廣說晉主囚榮於獄凡契

丹販易在晉境者盡殺之奪其貨大臣皆言契丹不

可負乃釋榮慰賜而歸之契丹主大怒入寇之志始

決綱冬十月晉主立其叔母馮氏為后十二月晉

楊光遠誘契丹入寇綱唐以宋齊丘為青陽公遣歸

九華目唐侍中周宗年老恭謹中書令宋齊丘樹黨

傾之宗泣訴於唐主唐主由是薄齊丘齊丘忿懣表

乞歸九華見上卷舊隱唐主知其詐一表即從之仍

九華先生

賜號九華先生封青陽今池州府青陽縣公齊丘乃治大第

於青陽服御將吏皆如王公而憤色尤甚

綱甲辰晉開運元年。是歲凡六國三鎮闕亡。春正月契丹陷晉貝州

今直隸廣平府清河縣。權知州事吳巒敗死晉遣兵禦之**綱**唐

主敕齊王景遂參決庶政既而罷之**綱**唐主決欲傳

位於齊燕二王齊王景遂燕王景達皆唐主弟先是唐主約以傳位二王固辭不許

翰林學士馮延巳等因之欲隔絕中外以擅權請敕齊

王景遂參決庶政百官惟魏岑查文徽得白事餘非

名對不得見唐主從之國人大駭給事中蕭儼上疏

極論不報侍衛都虞候賈崇叩閣蛤泣諫唐主感悟

遽收前敕唐主於宮中作高樓召侍臣觀之衆皆歡

笑蕭儼曰恨樓下無井唐主問其故對曰以此不及

景陽樓見四十九卷耳唐主怒貶為舒州今江南安慶府觀察

使**綱**晉主自將次澶蟬州今直隸大名府開州遣劉知遠杜威

張彥澤將兵禦契丹**綱**二月契丹度河晉主自將及

遣李守貞等分道擊之契丹敗走**綱**晉詔劉知遠擊

契丹知遠屯樂平見四十一卷不進**綱**發知遠是時已有無

進所以志**綱**三月閩指揮使朱文進弒其主曦而自

劉知遠屯樂平不進

恨樓下無井

禪僧飛鷹

立。綱夏四月。晉主還大梁。以景延廣為西京見上。留
守。綱晉太尉侍中馮道罷。以桑維翰為中書令兼樞
密使。目道雖為首相。依違兩可。無所操決。或謂晉主
曰。馮道承平之良相。今艱難之際。譬如使禪僧飛鷹
耳。乃以為匡國節度。見上卷使。或謂晉主曰。陛下欲
禦北狄。安天下。非桑維翰不可。遂復置樞密院。以維
翰為中書令兼樞密使。事無大小。悉以委之。數月之
間。朝廷差治。綱秋八月。晉以劉知遠為行營都統。杜
威為招討使。督十三節度。以備契丹。目契丹之入寇。

郭威說劉知遠背晉

也。晉主再命劉知遠會兵山東。皆不至。晉主疑之。謂
所親曰。太原見上。六。殊不助朕。必有異圖。至是。雖為
都統。而實無臨制之權。密謀大計。皆不得預。知遠亦
知見疎。但慎事自守而已。郭威見知遠有憂色。謂知
遠曰。河東即太原。山河險固。風俗尚武。士多戰馬。靜則
勤稼穡。動則習軍旅。此霸王之資也。何憂乎。綱朱文
進稱藩于晉。晉以為閩國王。冬十二月。殷遣兵討
朱文進。唐遣兵攻殷。綱閩月。閩人討殺朱文進。傳去
聲。首建州。見上。九。綱契丹復入寇。

綱蓋易印錄 卷六二 五代晉出帝 廿二

沈斌死節

沈斌責趙延壽

綱乙巳。晉開運二年。是歲凡五。春正月。契丹至相州。今河南彰德府引還。晉主自將追之。綱殷改國號曰閩。綱二月。晉主至澶州。見諸將引軍北上。綱契丹陷晉祁州。今直隸保定府祁州。刺史沈斌死之。綱契丹以羸兵驅牛羊過祁州城下。晉刺史沈斌出兵擊之。契丹以精騎奪其門。州兵不得還。趙延壽引契丹急攻之。斌在城上。延壽語去之曰。使君何不早降。斌曰。侍中父子德。失計。陷身虜庭。忍帥大羊。以殘父母之邦。不自愧。恥更有驕色。何哉。沈斌弓折矢盡。寧為國家死耳。終

閩亡

不效。公所為。明日城陷。斌自殺。綱晉以馮玉為樞密使。乘維翰。閩人及唐人戰。閩人敗績。三月。契丹還軍南下。晉都排陳使符彥卿等擊之。契丹敗走。夏四月。晉主還大梁。綱秋八月。晉加馮玉同平章事。乘玉。勢弄權賂遺輻。綱唐兵拔建州。閩主延政出降。綱晉以杜威為天雄節度。治魏州今直隸大名府。使。綱晉桑維翰罷。綱丙午。晉開運三年。是歲凡四國三鎮。春正月。唐以宋齊丘為大傅。綱冬十月。晉遣杜威將兵伐契丹。綱十一月。契丹大舉入寇。十二月。晉將王清戰死。杜威等以兵降契

苑中調鷹

丹遣兵入大梁執晉主重貴以歸殺桑維翰囚景延
 廣_回契丹主大舉入寇趨_趨恆州_{見上}杜威等聞之
 將自冀_{今直隸真定府冀州}貝_{見上}而南張彥澤時在恆州引
 兵會之言契丹可破之狀威等乃復趨恆州以彥澤
 為前鋒與契丹夾滹沱_{見二十九卷二十一}而軍開封_{見上}二尹
 桑維翰以國家危在且夕求見言事晉主方在苑中
 調鷹辭不見又詣執政言之執政不以為然退謂所
 親曰晉氏不血食矣晉主詔以高行周符彥卿共戍
 澶州_{見景延廣戍河陽}五_{見上}指揮使王清言於杜威

王清死節

曰請以步卒二千為前鋒奪橋開道公帥諸軍繼之
 得入恆州則無憂矣威許諾遣清與宋彥筠_{俱進}
 清戰甚銳契丹小却諸將請以大軍繼之威不許彥
 筠敗走清獨帥麾下力戰至暮不息契丹以新兵繼
 之清及士眾盡死契丹遙以兵環晉營軍中食盡威
 與李守貞宋彥筠謀降契丹威潛遣腹心詣契丹牙
 帳邀求重賞契丹主給_{臺上聲}之曰趙延壽威望素
 淺恐不能帝中國汝果降者當以汝為之威喜遂定
 降計威命軍士釋甲軍士皆慟哭聲振原野契丹主

引兵南。杜威將降兵以從。遣張彥澤將二千騎先取大梁。張彥澤倍道疾驅。夜渡白馬津。見九卷晉主名李崧。馮玉李彥韜入禁中計事。欲詔劉知遠發兵入援。明日彥澤自封丘門。大梁城門名斬關而入。城中大擾。晉主名范質草降表。自稱孫男。臣重貴。禍至神惑。運盡天亡。今與太后及妻馮氏舉族面縛。見二九卷待罪。彥澤遷晉主於開封府。頃刻不得留。見者流涕。彥澤殺桑維翰。以帶加頸。白契丹主云。其自經。契丹主命厚撫其家。遣兵趣河陽。捕景延廣。延廣伏地請死。乃

鎖之。

右後晉二主共十一年

後漢紀

高祖皇帝

姓劉名知遠。更名暉。其先沙陀部人。後世居太原。初仕晉。領忠武軍節度。後封北平王。及契丹滅晉。中原無主。遂即帝位。在位二年。壽五十四歲而殂。

綱丁未

二月。漢高祖劉知遠立。仍稱晉。天福十二年六月。改號漢。是歲晉亡。漢興。并蜀南漢。南

澤景延廣自殺

契丹主怒張彥澤剽掠京城。鎖之。自姓爭投牒。疏彥澤罪。遂斬北平。景延

契丹封晉主重貴為負義侯。徙之黃龍府

而死。

馮道事契丹經六主

打草穀

即慕容氏和龍宮城契丹改為黃龍府。和龍宮見三二卷十八。**綱**契丹以李崧為樞密使。馮道為太傅。晉諸藩鎮皆降。**綱**契丹縱兵大掠。遣使括借士民錢帛。**目**趙延壽請給上國兵食。契丹主曰：吾國無此法。乃縱胡騎四出剽掠。謂之打草穀。丁壯弊於鋒刃。老弱委於溝壑。自東西兩畿。東京大梁洛陽及鄭。今河南開封府鄭州滑。今直隸大名府滑縣曹。今山東兗州府曹州濮。今山東濮州數百里間財畜殆盡。契丹主謂判三司劉昫曰：契丹兵應有優賜。速宜營辦。時府庫空竭。昫請括借都城士民錢帛。又分遣使者數十人詣諸州括借。

人不聊生。由是內外怨憤。始患苦契丹。皆思逐之矣。**綱**晉劉知遠遣使奉表於契丹。**目**初晉主忌河東節度使北平王劉知遠。以為北面行營都統。知遠因之廣募士卒。又得吐谷渾。見上財畜。由是富强。步騎至五萬人。晉主與契丹結怨。知遠知其必危。而未嘗論諫。契丹屢深入。知遠初無邀遮入援之志。及聞契丹入汴。汴州即大梁乃分兵守四境。遣客將王峻奉表稱臣於契丹。**綱**二月。晉劉知遠稱帝於晉陽。**目**河東。治晉陽北京。將佐勸知遠稱尊號。以號令四方。知遠不許。聞

唐漢為此善於彼

晉主北遷。聲言欲出兵井陘。見上卷迎歸晉陽。命指揮使史弘肇集諸軍告以出師之期。軍士皆曰。今天下無主。主天下者非我王而誰。宜先正位號。然後出師。爭呼萬歲不已。郭威與都押衙楊邠入說知遠曰。此天意也。王不乘此取之。人心一移。則反受其咎矣。知遠從之。遂即位。自言未忍改晉國。又惡開運之名。乃更稱天福十二年。

致堂胡氏曰。五代之取國。惟後唐與漢為此善。於彼蓋梁篡唐。而後唐代之。晉為契丹所滅。而漢興焉。非若李嗣源之逼莊宗。石敬瑭之奪潞王。郭威之逐漢隱帝也。晉受虜擊。知遠不救。固

為罪矣。然是時朝權則付之李崧。馮玉。而顧命大臣如桑維翰。不得與兵柄。則付之杜威。李守真。而勳舊重將如知遠。不得聞故。維翰可以當國。責李崧。而後世不當以幸禍責知遠也。註音以當國責李崧。初桑維翰將被殺。顧謂李崧曰。侍中當國。今日國亡。反令維翰死之。何也。

綱 晉主知遠自將迎故晉主重貴。至壽陽。今山西太原

縣 而還。法書 誠也。故不書不及。**綱** 晉主知遠還晉陽。

法書 晉主矣。稱名何別。重貴也。**目** 知遠還至晉陽。議率

李夫人遠識

也 募民財以賞將士。夫人李氏諫曰。陛下因河東創大業。未有以惠澤其民。而先奪其生生之資。殆非天子所以救民之意也。請悉出宮中所有以勞軍。雖

北漢劉崇

復不厚。人無怨言。知遠從之。中外大悅。**綱**三月契丹德光發大梁。**目**契丹主發大梁。晉文武諸司諸軍吏卒從者皆數千人。宮女宦官數百人。盡載府庫之實以行。謂宣徽使高勳曰。吾在上國。以射獵為樂。至此令平聲人悒悒。今得歸死。無恨矣。**綱**晉主知遠以其弟崇為太原尹。夏四月。晉以劉信史弘肇為待衛指揮使。楊邠為樞密使。郭威為副使。王章為三司使。晉以蘇逢吉蘇禹珪同平章事。**綱**契丹耶律德光死於殺狐林。**目**契丹主至臨城。今直隸真定府臨城縣得疾至殺

帝狃

述律后不
哭德光

狐林。村民於林中射殺一狐。因名。今名死狐。嶺在真定府藥城縣北。狐一作胡。而卒。國人剖其腹。實鹽數斗。載之北去。晉人謂之帝狃。巴。乾契丹主喪至國。述律太后見上卷不哭。曰。待諸部寧一如故。則葬汝矣。**綱**五月。晉以劉崇為北都即太原守。晉主知遠發太原。**綱**楚文昭王希範卒。弟希廣嗣。**綱**六月。晉主知遠入洛陽。汴州百官奉表來迎。**綱**吳越忠獻王弘佐卒。弟弘侬宗嗣。**綱**晉主知遠入大梁。諸鎮多降。始改國號曰漢。**目**知遠發洛陽。樞密院使魏仁浦。自契丹逃歸。郭威問以兵數及故事。仁浦強記精敏。威由是親

劉知遠未忍志晉

任之。知遠至大梁。晉之藩鎮相繼來降。復以汴州大即

為東京。改國號曰漢。仍稱天福年。曰余未忍亡晉也。**綱**秋七月。漢以杜重威為歸德節度使。重威拒命。

杜威自以附契丹負中國常懷疑懼。移鎮制下。拒而不受。漢發兵討之。**綱**漢以竇

貞固、李濤同平章事。**綱**冬十月。漢主如澶見上。魏見上

十三天勞去軍。十一月。杜重威出降。**綱**十二月。漢主

還大梁。吳越統軍使胡思進廢其君弘侖而立其

弟弘倣。

綱戊申。漢乾祐元年二月。隱帝承祐立。是歲凡四國三鎮。春正月。漢主更名

馮道復事漢

高高聲。**綱**漢以馮道為太師。**綱**漢主高殂。杜重威伏

誅。周王承祐立。**綱**漢主大漸。見五八名蘇逢吉、楊邠

史弘肇、郭威入受顧命。見二七曰承祐幼弱。後事託在

卿輩。又曰善防重威。是日殂。逢吉等祕不發喪。下詔

稱重威父子因朕小疾。謗議搖衆。皆斬之。磔。裂也。尸

於市。市人爭啖其肉。二月立皇子承祐為周王。有

頃發喪。周王即位。時年十八。**綱**漢以王景崇為鳳翔

今陝西巡檢司。**綱**三月。漢徵鳳翔兵詣闕。行至長安。

今陝西西安府長安縣。軍校趙思綰據城作亂。**綱**漢護國節度

治河中今山西平陽府蒲州

使李守貞反。夏四月，漢以楊邠同

平章事，郭威為樞密使。漢遣郭從義討趙思綰，白

文珂、王峻討李守貞。六月，漢王景崇叛降于蜀。

綱八月，漢河東見上節度使劉崇表募兵備契丹。初

祖鎮河東，崇與郭威爭權，有隙。及威執政，崇憂之，故表募兵以備契丹為名也。綱漢以郭威

為西面招慰安撫使，圍漢白河中。李守貞求興軍名，治

思鳳翔，王景三鎮拒命，繼遣諸將討之。久無功，晉主

患之，欲遣重臣臨督，以郭威為西面軍前招慰安撫

使，諸軍皆受節度。威問策於馮道，道曰：守貞自爾舊

劉崇募兵

馮道勸郭威收人心

將為士卒所附。守貞素好施，願公勿愛官物，以賜士

卒，則奪其所恃矣。威從之，由是眾心始附於威。

致堂胡氏曰：自唐莊宗以不賜士卒賈怨致亡，是後皆用賂敗國。郭馮二公豈不知也？威素總師旅，何資道之計謀？道素以儒士自居，何遽為威畫策？蓋威以道累朝重望，嘗試問之，而道以言已得兵柄，因而語之，而二公相與之心，實於至是也。曰：隱帝幼冲，政柄二三楊史，諸人才智皆出威下，道者於敗國固知奇貨之可居矣。

綱郭威督諸將圍李守貞于河中。冬十月，漢趙暉

圍王景崇于鳳翔，蜀遣兵救之，不克。綱荆南見上卷

馮道老於販國

南平高保融

漢隱帝仍稱乾祐二年
太白晝見

魑魅見日自消

節度使高從誨卒以其子保融知畱後。

隱帝名承祐高祖第二子在位二年郭威舉兵反帝為亂兵所弒壽二十歲漢亡

綱已酉漢乾祐二年是歲凡四國三鎮夏四月太白晝見現。見四二卷

十五天綱秋七月漢郭從義誘趙思綰殺之綱漢郭

威克河中李守貞自殺目郭威攻河中克其外郭李

守貞與妻子自焚威入城閱守貞文書得朝臣藩鎮

交通書詞意悖逆欲奏之秘書郎王濤諫曰魑鴟魅

願一切願焚之以安反仄威從之綱八月漢郭威以

白文珂為西京畱守目西京見上畱守王守恩性貪

鄙專事聚斂郭威自河中還過洛陽守恩肩輿轎也出

迎威怒不見即以頭子頭子猶唐之政事堂文帖也沈括曰唐中書指揮事謂之

堂帖家塾廣記曰郭崇韜安重誨為樞密使始分領政事不關由中書直行者謂之宣如中書之敕小事則發頭子命白文珂代守恩守恩猶坐客次吏白

擬堂帖也新畱守已視事於府矣守恩狼狽見三三卷九而歸見家

屬已逐出府矣朝廷不之間綱九月漢加郭威侍中

威請加恩將相藩鎮從之目威至大梁入見勞去聲賜

甚厚辭曰臣將兵在外凡鎮安京師供億供給也億安也謂給

郭威請加恩將相藩鎮

頭子

郭威請加恩將相藩鎮

郭威推廣馮道之意

其置乏使兵食皆諸大臣居中者之力也臣安敢獨
膺此賜請徧賞之乃徧賜宰相樞密宣徽三司侍衛
使九人如一加威兼侍中諸大臣議以執政既溥如
恩恐藩鎮缺厥望也怨望亦徧加恩有差

致堂胡氏曰郭威此舉推馮道不愛官物以賞
士卒之意而廣之者也蓋不待他日即位班賞
而已收中外之心矣

綱冬十月契丹寇河北道名治直漢遣郭威督諸將

禦之綱十二月漢趙暉攻鳳翔王景崇自殺

綱庚戌漢乾祐三年是歲四國三鎮漢亡春二月漢汝州防禦使劉

馮道頌劉審文

審交卒防禦未有書卒審交何錄循吏也

汝州今河南汝州吏民詣闕上書以審交有仁政乞畱葬

汝州得奉事其丘壟許之州人為立祠歲時享之馮

道曰吾嘗為劉君僚佐觀其為政無以踰人非能減

其租賦除其繇役也但推公廉慈愛之心以行之

耳此亦衆人所能為但衆人不為而劉君獨為之故

汝人愛之如此使天下二千石見二十五卷末皆效其所為

何患得民不如劉君哉綱夏四月漢以郭威為鄴都

畱守樞密使如故目漢朝以契丹入寇議以郭威鎮

在長鎗大
劍
安用毛錐
周世宗榮

鄴都見上使督諸將備契丹。史弘肇欲威仍領樞密使。蘇逢吉以為故事無之。弘肇曰：領樞密使則可以便宜從事，諸軍畏服，號令行矣。漢主從之。弘肇怨逢吉異議，逢吉曰：以內制外，順也；今反以外制內，其可乎？既而朝貴會飲，弘肇舉大觴屬祝威，厲聲曰：昨日廷議一何同異！逢吉與楊邠亦舉觴曰：是國家之事，何足介意！弘肇又厲聲曰：安定國家在長鎗大劍，安用毛錐也。王章曰：無毛錐則財賦何從可出？自是將相始有隙。綱漢以郭榮為貴州刺史。目榮本姓柴。

漢大風

父守禮。郭威之妻兄也。威未有子，時養以為子。綱五月，郭威赴鄴，綱閏月。漢大風，目漢宮中數有怪，大風發屋拔木，吹擲門扉，非戶扉一十餘步而落。漢主召司天監趙延義問以禳祈之術，對曰：王者欲弭災異，莫如脩德。漢主曰：何謂脩德？對曰：請讀貞觀政要而法之。綱冬十一月，漢主承祐殺其樞密使楊邠，侍衛指揮使史弘肇三司使王章遣使殺郭威不克。威舉兵反，遂殺其主承祐。書官以殺殺無罪也，一日道甚矣，故斥書名。威既書反，則其不書弒何承祐寵信讒邪多殺大臣是亦一夫而已耳。故特書殺以為

萬世戒此綱目之變例也漢主自即位以來楊邠總機政郭威

主征伐史弘肇典宿衛王章掌財賦國家粗安漢主

左右嬖倖浸用事太后親戚亦干朝政邠等屢裁抑

之漢主年益壯厭為大臣所制左右因譖之曰邠等

專恣終當為亂蘇逢吉與弘肇有隙屢以言激太后

弟李業等漢主遂與業謀誅邠等弘肇與邠章入朝

殿中甲士出而殺之漢主遣供奉官孟業齎密詔令

鎮寧軍名治澶州見上十一李洪義殺弘肇黨步軍指揮使王

一日殺大臣三

峻孟業至澶州洪義不敢發殷囚業以詔示郭威威

名郭崇威曹威及諸將告以邠等冤死及有密詔之

狀且曰吾與諸公披荆棘從先帝取天下受託孤之

任竭力以衛國家今諸公已死吾何心獨生君輩當

奉行詔書取吾首以報天子庶不相累崇威等皆泣

曰天子幼冲此必左右羣小所為願從公入朝自訴

蕩滌鼠輩以清朝廷威乃留其養子榮鎮鄴都見上命

崇威前驅自將大軍繼之威至封丘今河南開封府封丘縣人

情恟懼漢主遣慕容彥超等將兵禦之屯七里店漢

主自出勞軍。既陳，慕容彥超引輕騎直前奮擊。郭威與李榮帥騎兵拒之。彥超引兵退，麾下死者百餘人。於是諸軍奪氣，稍稍降。彥超遂與十餘騎奔還。漢主獨與從官數十人宿於七里寨。且日，回纥至趙村，追兵已至。漢主下馬入民家，為亂兵所弑。威至，自迎春門入，歸私第。馮道帥百官謁見郭威，威猶拜之。道受拜如平時。徐曰：侍中此行不易。

致堂胡氏曰：道嘗為威畫策，至是威事已成，道外為不屈之貌，而內有收思之心，其情狀亦可見矣。而或者謂道能以是屈威，其說誤矣。

馮道謁見郭威

綱漢迎武寧節度使劉贊實於徐州。郭威帥百官

起居太后，奏請早立嗣君。太后誥曰：河東見上節度

使崇忠武見三五九卷三節度使信，皆高祖之弟。武寧軍名治江

南徐州節度使贊，開封見上尹承勳，高祖之子。其令百

官議擇所宜。贊崇之子也。高祖愛之，養視如子。郭威

王峻入見太后，請以勳為嗣。太后曰：勳久羸疾，不能

起。於是郭威與峻議立贊。帥百官表請太后誥，遣太

師馮道及樞密直學士王度、秘書監趙上交詣徐州

奉迎威之討三叛見上也。見詔書處分軍事，皆合機

綱鑑易知錄 卷六十二 五代漢隱帝 二五

范質宰相

宣問誰為之。使者以范質對。威曰：宰相器也。至是令草誥令，具儀注。蒼黃，急遽貌猶也之中，討論撰定，皆得其宜。綱：漢太后臨朝，漢以王峻為樞密使。王殷為侍衛都指揮使。綱：契丹入寇屠內丘。今直隸順德府內丘縣陷。饒陽。今直隸真定府饒陽縣漢遣郭威將兵擊之。綱：漢以范質為樞密副使。綱：馬希萼陷潭州。楚都今湖廣長沙府殺楚王希廣而自立。綱：漢劉贇發徐州。綱：漢郭威至澶州自立而還。王峻王殷遣兵拒劉贇。以太后誥廢為湘陰公。令郭威監國。目：威至澶州。見上將發將士數千人忽

裂旗被體

大譟曰：天子須待中自為之。將士已與劉氏為仇，不可立也。或裂黃旗以被威體，共挾抱之，呼萬歲震地。因擁威南行，威乃上太后牋請奉漢宗廟事。太后為母下書，撫諭大梁士民，勿有憂疑。至七里店。見寶貞固帥百官出迎，拜謁勸進。帝號也。贇至宋州。今河南德府王峻王殷聞澶州軍變，遣郭崇威將七百騎往拒之。郭威名馮道先歸。太后誥廢贇為湘陰。今湖廣長沙府湘陰縣公。以待中監國。百官藩鎮相繼上表勸進。右後漢二主共四年。

綱鑑易知錄

卷六十二

五代周太祖

二十六

後周紀

郭雀兒

太祖皇帝

姓郭名威。邢州堯山人。少賤。黥其頸。上為

飛雀。世謂郭雀兒。仕漢為樞密使。隱帝時。鄴都留守。尋擊契丹為衆所推。自立為帝。而還在位三年。壽五十三歲而殂。

綱辛亥

周太祖郭威廣順元年。北漢主劉崇乾祐四年。是歲周代漢。北漢建國凡五國三鎮。

春正月。郭威稱皇帝。國號周。綱漢河東節度使劉崇

表請湘陰公歸晉陽。目初崇聞隱帝遇害。欲起兵南

向。聞迎立湘陰公。乃止。曰。吾兒為帝。吾又何求。太原

李驥說劉崇

今山西太原府。即晉陽。河東軍治也。少尹李驥陰說崇曰。觀郭公之心。

終欲自取。公不如疾引兵逾太行。見九卷。據孟津。見

九卷。俟徐州相公即位。然後還鎮。則郭公不敢動矣。

不然。且為所責。崇怒曰。腐儒欲離間。諫吾父子。命左

右曳葉。出斬之。及贊廢。崇乃遣使請贊歸晉陽。周

主報曰。湘陰公比在宋州。今方取歸。必令得所。公勿

以為憂。綱周以王殷為鄴都。見上。留守。綱周主威弒漢

湘陰公贊於宋州。漢劉崇稱帝于晉陽。是為北漢。目劉崇

即位於晉陽。仍用乾祐年號。聞湘陰公死。哭曰。吾不

用忠臣之言。以至於此。為李驥立祠。歲時祭之。綱周

罷四方貢獻珍食。詔百官上封事。目周主謂王峻曰。

北漢

周罷貢獻珍食

是逢吉所以族李崧
周主毀寶器

朕起於寒微。備嘗艱苦。遭時喪亂。一旦為帝王。豈敢厚自奉養。以病下民乎。命峻疏四方貢獻珍美食物。詔悉罷之。又詔曰。朕生長軍旅。不親學問。未知治天下之道。文武官有益國利民之術。各具封事。以聞。以蘇逢吉初隱帝為亂兵所殺。蘇逢吉亦自殺。之第賜王峻。峻曰。是逢吉所以族李崧也。初漢高祖入大梁。李崧在真定朝。崧弟嶼時出怨言。逢吉惡之。誣嶼謀逆。族滅崧家。辭而不處。綱二月。周主以其養子榮為鎮寧見上節度使。綱周主毀漢宮寶器。目周主悉出漢宮中寶玉器。碎之於庭。曰。凡為帝王。

周初三賢相

安用此物。綱夏四月。周以王峻范質李穀同平章事。目初周主討河中。見上已為人望所屬。祝李穀時為轉運使。周主數朝以微言諷之。穀但以人臣盡節為對。周主以是賢之。即位首用為相。時國家新造。四方多故。王峻夙夜盡心。知無不為。軍旅之謀。多所裨益。范質明敏強記。謹守法度。李穀沉毅有器略。議論慷慨。善譬喻。以開主意。綱壬子。周廣順二年。是歲周南漢蜀唐北漢凡五國。吳越湖南荆南凡三鎮。春二月。唐設科舉。既而罷之。法書惜之也。目唐主好文學。故韓熙

南唐文雅
為盛

白麻不及
文蔚疏
金盃玉盤
貯狗矢

載馮延巳延魯江文蔚畏潘佑徐鉉之徒皆至美官。
文雅於諸國為盛。然未嘗設科舉。多因上書言事拜
官。至是始命文蔚知貢舉。執政皆不由科第。相與沮
毀。竟罷之。綱三月。唐以馮延巳孫晟同平章事。目唐
以延巳晟為相。既宜制。戶部尚書常夢錫衆中大言
曰。白麻見五五甚佳。但不及江文蔚疏耳。不及文蔚
不由科第也。晟素輕延巳。謂人曰。金盃同玉盤同乃貯狗
矢同音始乎。延巳言於唐主曰。陛下躬親庶務。故宰相
不得盡其才。此治道所以未成也。唐主乃悉以政事

周主謁孔
子祠拜其
墓

孔子百世
帝王之師

委之。而延巳不能勤。事益不治。唐主乃復自覽之。綱
夏六月朔。周主如曲阜。是歲正月。泰寧節度使慕容
州。是月如曲阜。泰寧治山東謁孔子祠。拜其墓。法書
充州府曲阜。今兗州府曲阜縣。謁孔子祠。拜其墓。法書
書祠孔子多矣。未有書日者。此其書朔何重乎。之也。
上朔而行禮。致拜以重道。可謂知所尊矣。故書朔書
如。目周主謁孔子祠。在曲阜縣西八里魯將拜。左右
曰。孔子陪臣也。不當以天子拜之。周主曰。孔子百世
帝王之師。敢不敬乎。遂拜。又拜孔子墓。在曲阜縣西
八里世呼為林。禁樵採。訪孔子顏淵之後。以為曲阜令。及主簿。綱
冬十月。武平畱後劉言遣兵攻潭州。唐節度使邊鎬

棄城走言遂取湖南。唐武安節度使邊鎬。武安軍名治潭

州今湖廣長沙府舊楚馬氏都也去年四月楚將徐

威作亂廢其君希萼而立希崇十月唐遣邊鎬將兵

擊楚馬希崇降楚亡唐遂不合衆心吉水今江西吉

以邊鎬為武安節度使

人歐陽廣上書言鎬非將帥才必喪湖南。道名亦

府不報仍使鎬經略朗州。今湖廣常德府自朗來者

多言劉言。去年四月楚朗州將王逵等逐其節度使

馬光惠推劉言權武平雷後求節於唐亦

稱藩忠順鎬不為聲備唐主名言入朝言不行謂王

逵曰唐必伐我奈何。逵曰邊鎬撫御無方士民不附

可一戰擒也。言乃以逵及周行逢何敬真潘叔嗣張

文表等十人皆為指揮使。部分發兵行逢能謀。文表

歐陽廣料邊鎬

善戰。叔嗣果敢。三人多相須成功。情款甚昵。銀入聲

也十月逵等將兵分道趣長沙。攻潭州。鎬棄城走。

唐將守湖南者相繼遁去。劉言盡復馬氏嶺北故地。

劉言奉表于周。唐馮延巳孫晟罷削邊鎬官爵。

流饒州。今江西饒州府初鎬從查文徽克建州。今福建建

帝開運中唐主遣查文徽邊鎬凡所俘獲皆全之。建

伐閩拔建州閩主王延政降人謂之邊佛子及克潭州市不易肆。潭人謂之邊菩

薩。既而政無綱紀。惟日設齋供。盛脩佛寺。潭人失望。

邊佛子

邊菩薩

薩

既而政無綱紀。惟日設齋供。盛脩佛寺。潭人失望。

薩

既而政無綱紀。惟日設齋供。盛脩佛寺。潭人失望。

邊和尚

謂之邊和尚矣。馮延巳孫晟上表請罪，皆釋之。晟陳情不已，乃與延巳皆罷。唐主思歐陽廣之言，拜本縣令。

周罷營田
務除租牛
課

綱癸酉唐廣順三年。是春正月。周以劉言為武平節度使。**綱**周罷戶部營田。務除租牛課。目前世屯田皆在邊地。使戍兵佃田田也。治之。唐末中原宿兵所。在皆置營田。以耕曠土。其後又募高貲戶。使輸課佃之。戶部別置官司總領。不隸州縣。或丁多無役。或容庇秘姦盜。州縣不能詰。梁太祖擊淮南治江南揚州府揚吳都也。

利在民猶
在國

九經板成

得牛萬計。以給農民。使歲輸租。牛死而租不除。民甚苦之。周主素知其弊。李穀亦以為言。敕悉罷之。以其民隸州縣。田廬牛具並賜見現田者為求業。或言營田有肥饒者。不若鬻之。可得錢數十萬緡民也。錢以資國。周主曰。利在於民。猶在國也。朕用此錢何為。**綱**三月。周主以郭榮為開封尹。封晉王。**法書**封子未有書。正名也。五季不立太子。封為晉王。則將承大業矣。不可。以不正也。然則曷為不書子。不書子所以別於此。特書之。予得人也。**綱**夏六月。周九經版成。**法書**者成。何蒙成也。先是明宗始命刻版。至是而成。**綱**唐書初於周書成錄。賈也。石經經版。**綱**目備書之。**註音**

岡監易印錄

卷六二 五代周太祖

三一

後蜀母昭
裔請刻版
印九經

石經見三
八卷二二
初唐明宗之世令國子監較正九經刻

版印賣見上卷至是版成獻之由是雖亂世九經傳

布甚廣是時蜀後母昭裔異姓母名昭裔蜀之僕射也亦出私財

百萬營學館且請刻版印九經蜀主孟昶從之由是蜀

中文學亦盛綱秋八月唐復置科舉

世宗皇帝名榮姓柴氏太祖后兄守禮之子太祖無嗣養以為子在位六年壽三十九歲而殂

綱甲寅周顯德元年正月世宗睿武孝文皇帝榮立冬北漢乾祐七年孝和帝鈞立是歲凡五

國三法書世宗則曷為舉其全諡書曰睿武孝文皇帝

不使之也尊之何世宗五代之賢君故綱目特重予之不使夷於五代之主也雖後唐明宗不得與於斯矣

綱春正月周以晉王榮判內外兵馬事綱初周主疾

作羣臣希得見中外恐懼聞晉王典兵人心稍安綱

周主疾篤詔晉王榮聽政周以王溥同平章事綱

周主威殂晉王榮立是為世宗綱二月北漢主以契丹兵

擊周北漢主聞周太祖殂請兵於契丹自將兵三萬與契丹趣潞州潞州今山西潞安府昭義軍

也周昭義節度使李筠云筠即榮也逆戰敗績綱

三月周主自將與漢戰于高平漢兵敗績周將樊愛

能何徽等伏誅綱世宗欲自將禦漢兵羣臣皆諫馮

道固爭之世宗不悅惟王溥勸行乃命馮道奉梓宮

周漢高平
之戰

見二三 赴山陵遂發大梁至懷州今河南懷慶府兼行速進

進宿澤州今山西澤州東北北漢主軍高平今澤州高平縣南明

日世宗介甲馬臨陳督戰合戰未幾周右軍將樊愛

能何徽引騎兵先遁右軍潰會步兵千餘人解甲降

北漢世宗見軍勢危自引親兵犯矢石督戰我太祖

皇帝趙匡時為宿衛將謂同列曰主危如此吾屬何

得不致死乃將二千人進戰太祖身先士卒馳犯其

鋒士卒死戰無不一當百北漢兵披靡米。震時南

風甚盛周兵爭奮北漢兵大敗是夕世宗野宿得步

宋太祖趙匡胤

兵之降敵者皆殺之愛能徽聞捷與士卒稍稍復還

明日休兵高平北漢主帥百餘騎晝夜北走僅得入

晉陽世宗收愛能徽及所部軍使以上七十餘人責

之曰汝輩非不能戰正欲以朕為奇貨賣與劉崇耳

悉斬之自是驕將情卒始知所懼不行姑息之政矣

張永德時將稱我太祖之智勇世宗擢為殿前都虞

候綱周太師中書令瀛王馮道卒置五代之臣書卒

道也而書官書爵卒之何愧之也道以一身歷四姓

十君無恥甚矣綱目於其進用備書之故唐書為掌

書記書為端明殿學士書同平章事書匡國節度使

馮道歷四姓十君

馮道浮沉
取容
長樂老敘

書為大師中書令瀛王皆所以
愧之也豈郭子儀諸賢比哉
唐莊宗世始貴顯自是累朝不離將相公師之位為
人清儉寬弘人莫測其喜愠滑
稽談諧多智浮沈
取容嘗著長樂老敘自敘累朝榮遇之狀時人往往
以德量推之

馮道可謂
無廉恥

王凝妻李
氏

歐陽公曰禮義廉恥國之四維四維不張國乃
滅亡況為大臣而無廉恥天下其有不滅國家
其有不亡者乎馮道其可謂無廉恥者矣則當
時天下國家可知也予於五代得全節之士三
死事之臣十有五皆武夫戰卒豈於儒者果無
其人哉得非高節之士惡時之亂而不肯出歟
嘗聞是時有王凝者家青齊之間為魏州司戶
參軍以卒妻李氏負其遺骸以歸東過開封止

周立后符
氏

於旅舍主人不納牽其臂而出之李氏仰天慟
曰我為婦人不能守節而此手被人所執耶即
引斧自斷其臂見者為之嗟泣開封尹聞之自
其事於朝厚卹李氏而答其主人嗚呼士不自
愛其身而忍恥以偷生者音魏州今河南河
南李氏之風宜少知愧哉註南府盧氏縣
綱周立后符氏初符彥卿有女適李守貞見上之
子崇訓相者言其貴當為天下母守貞喜曰吾婦猶
母天下况我乎反意遂決及敗崇訓先自刃其弟妹
次及符氏符氏匿幃下崇訓倉猝求之不獲遂自剄
亂兵既入符氏安坐堂上叱亂兵曰吾父與郭公為
昆弟汝曹勿無禮太祖遣使歸之於彥卿既而為世

宗娶之。至是立為皇后。后性和惠而明決。世宗甚重之。綱夏五月。周主攻晉陽。不克。引軍還。秋七月。周以魏仁浦為樞密使。綱冬十月。周簡閱諸軍。募壯士以補宿衛。書常事耳。何以書特筆也。五代之世。兵卒之所。以精練。而莫不。敢簡汰久矣。世宗力行之。此兵之敵也。故特書之。綱十一月。北漢主昝殂。子鈞立。

尺木堂綱鑑易知錄卷六二

尺木堂綱鑑易知錄卷六三

周之炯靜專

通鑑綱目定本

山陰吳乘權楚材同輯

周之燦星若

後周紀

世宗皇帝

周世宗仍稱顯德二年

綱乙卯。周顯德二年。是春正月。周制舉令錄法。舉令錄必書。重近民也。綱初令翰林學士兩省舉令錄除官之日。仍署舉者姓名。若貪穢敗官。並當連坐。綱夏四

月。周以王朴為諫議大夫。知開封府事。書自五季以漢周開封多以子弟尹之。世宗始用賢者而朴以諫議大夫領焉。曰知開封府事異其名也。世宗謂宰相曰。朕每思致治之方。未得其要。寢食不忘。又吳謂南唐蜀孟幽州今直隸順天府謂契丹并兵。并州今山西太原府。皆阻聲教。見十七卷八未能混一。宜命近臣著為君難為臣不易論。及開邊策各一篇。朕將覽焉。比部失道。今必先觀所以失之之原。然後知所以取之之術。其始失之也。莫不以君暗臣邪。兵驕民困。姦黨內

王朴獻策

見四六卷四

攻取必先其易

熾。武夫外橫。因小致大。積微成著。今欲取之。莫若反其所為而已。進賢退不肖。以收其才。恩德誠信。以結其心。賞功罰罪。以盡其力。去奢節用。以豐其財。時使薄斂。以阜其民。俟羣才既集。政事既治。財用既充。士民既附。然後舉而用之。功無不成矣。彼之人觀我有必取之勢。則知其情狀者。願為間諜。見七卷知其山川者。願為鄉導。民心既歸。天意必從矣。凡攻取之道。必先其易者。唐吳與吾接境。幾二千里。其勢易擾也。擾之當以無備之處為始。備東則擾西。備西則擾

東彼必奔走而救之。奔走之間，可以知其虛實強弱。然後避實擊虛，避強擊弱，未須大舉，且以輕兵擾之。南人懦弱，聞小有警，必悉師以救之。師數動，則民疲而財竭，不悉師，則我可以乘虛取之。如此，江北諸州將悉為我有，既得江北，則用彼之民，行我之法，江南亦易取也。得江南，則嶺南治廣東廣州府、巴蜀蜀可傳檄而定。南方既定，則燕、幽地必望風內附。若其不至，移兵攻之，席卷可平矣。惟河東并必死之寇，不可以恩信誘，必當以強兵制之。然彼自高平之敗，見上卷三

二力竭氣沮，必未能為邊患，宜且以為後圖。俟天下既平，然後伺間一舉可擒也。世宗欣然納之。時羣臣多守常儉安，所對少可取者，惟朴神峻氣勁，有謀能斷。世宗重之，以為諫議大夫，知開封府事。綱秋九月，周始鑄錢，目世宗以縣官久不鑄錢，而民間多鑄錢為器皿，及佛像，錢益少。敕立監，立置也監鑄錢之所采銅鑄錢。民間銅器佛像，五十日內輸官，受直過期，匿五斤以上，罪死。謂侍臣曰：佛以善道化人，苟志於善，斯奉佛矣。彼銅像豈所謂佛邪？且吾聞佛志在利人，雖頭目

佛像鑄錢

周世宗仁明

猶捨以布施。試若朕身可以濟民，亦非所惜也。

司馬溫公曰：若周世宗可謂明矣，不以無益廢有益，愛民若周世宗，可謂明矣。

綱冬十一月，周遣李穀督諸軍伐唐。周以李穀為

淮南見上卷前軍部署，王彥超副之，督侍衛都指揮

使韓令坤等十二將以伐唐。綱唐遣兵拒周師于壽

州，周師擊敗之。唐主以劉彥貞為部署，將兵二萬

趣壽州。今江南鳳陽府壽州。皇甫暉、姚鳳將兵三萬屯定遠。今

陽府定遠縣。名鎮南。見卷七。節度使宋齊丘還金陵。今江

南江寧府。謀國難，周李穀等為淨梁。造舟為梁，即河橋也。自正陽濟

淮，王彥超敗唐兵二千餘人於壽州城下。

綱丙辰。周顯德三年。是春正月，周主自將伐唐。大

敗唐兵，斬其將劉彥貞。皇甫暉、姚鳳綱二月，周主命

我太祖將兵襲唐滁、州，克之，擒其將皇甫暉、姚鳳。

我太祖何趙匡胤也。何以不名綱目，朱熹所脩而

法書，喜宋人也。故為國諱，臨文不諱，此則曷為諱之？夫

子作春秋諸侯卒，皆名之，至魯先君則卒。綱目下蔡

故城在壽州。淨梁成，世宗自往視之，命我太祖皇帝倍道

襲清流關。在滁州城西南二十里。皇甫暉等驚走入

滁州。今江南斷短橋自守，太祖躍馬麾兵涉水直抵

宋太祖擒皇甫暉姚鳳

城下暉曰。人各為其主。願容成列而戰。太祖笑而許之。暉整眾而出。太祖突陳擊暉擒之。并擒姚鳳。遂克滁州。時宣祖臣胤父。弘殷。為馬軍副都指揮使。引兵夜至。傳呼開門。太祖曰。父子雖至親。城門王事也。不敢奉命。明旦乃得入。世宗遣翰林學士竇儀籍滁州帑倘藏。太祖遣親吏取藏中絹儀曰。公初克城時。雖傾藏取之。無傷也。今既籍為官物。非有詔書。不可得也。太祖由是重儀。初求興節度治陝西西安府。使劉詞遺表薦其

宋太祖重
嘗祭
趙普過宋
太祖

滁莫僚幕府僚屬。勸見六一卷三十一。人趙普至。是范質以為滁州

破魏飾馬

判官。太祖與語悅之。時獲盜百餘人。皆應死。普請先訊鞠。菊然後決。所活什七八。太祖益奇之。太祖威名日盛。每臨陳。必以繁纓見四卷十八。飾馬鎧愷。甲也。仗兵器。鮮明。或曰。如此為敵所識。太祖曰。吾固欲其識之耳。綱三月。唐遣司空孫晟奉表于周。唐主以其弟齊王景達為元帥。將兵拒周師。綱夏四月。唐兵攻六合。我太祖擊破之。目唐齊王景達將兵濟江。距六合見四卷七。二十餘里。設柵拆不進。諸將欲擊之。我太祖曰。吾眾不滿二千。若往擊之。彼必見吾眾寡矣。不如俟其

劍斫皮笠

來而擊之。破之必矣。居數日。唐出兵趣六合。太祖奮擊。大破之。殺獲近五千人。溺死甚衆。於是唐之精卒盡矣。是戰也。將士有不致力者。太祖陽為督戰。以劍斫其皮笠。明日徧閱其笠。有劍跡者數十人。皆斬之。由是部兵莫敢不盡死。綱周主還大梁。留李重進圍壽州。綱秋七月。周以周行逢為武平。見上卷二節。度使。綱冬十月。周立二稅起徵限。綱世宗謂侍臣曰。近朝徵斂穀帛多不俟時收穫紡績之畢。乃詔三司自今夏稅以六月。秋稅以十月。起徵。民間便之。綱周

周立二稅起徵限

孫晟從容死節

華山隱士

以我太祖為定國節度使。兼殿前都指揮使。綱太祖表趙普為節度推官。綱十一月。周殺唐使者司空孫晟。唐使者孫晟從至大梁。世宗待之甚厚。時召見飲。去聲。以醇酒。問以唐事。晟但言臣主畏陛下神武。事陛下無二心。命都承旨曹翰與之飲酒。從容問以唐虛實。晟終不言。翰乃謂曰。有敕賜相公死。晟神色怡然。索鞞。靴本。袍。整衣冠。南向拜曰。臣謹以死報國。乃就刑。并從者百餘人皆殺之。綱周召華山。見四六卷。隱士陳搏詣闕。尋遣還山。綱法。名未有書。隱士者。雖武攸緒不書。此其書何善。

綱蓋易甲象

卷六三

五代周世宗

六

飛昇黃白之術

博也。何善之。世宗以飛升黃白音武攸緒見四問而博以治天下對是以善之註七卷二六世宗名陳搏問以飛升黃白之術丹竈之事也漢武內凝汞成白銀飛丹砂成黃金金成服對曰陛下為天子當以治天下為務安用此為乃遣還山詔州縣長吏常存問之。

綱丁巳周顯德四年。北漢天會元年。是歲凡五國三鎮。春正月唐遣兵救

壽州周師擊破之。三月周主復如壽州大破唐兵。唐元帥景達奔還。**綱**唐壽州監軍周廷構以城降周。唐節度使劉仁贍死之。周以壽州為忠正軍徙治下

節 劉仁贍死

蔡

發書監軍以城降則見仁贍未嘗降也仁贍實以病終而直書死之者所以著其不屈之節也

目世宗耀兵於壽春州即壽州城北唐清淮節度治壽州使

劉仁贍病甚不知人監軍使周廷構等作仁贍表昇預也對仁贍出城以降於周仁贍臥不能起世宗慰

勞賜賚復令入城養疾徙壽州治下蔡見上又制曰

劉仁贍盡忠所事抗節無虧前代名臣幾人堪比朕

之伐叛得爾為多其以為天平見上節度使兼中書

令是日卒世宗復以清淮軍為忠正軍以旌仁贍之

節。**綱**周主之父光祿卿致仕柴守禮犯法周主不問。

周世宗褒劉仁贍制

十阿父

舜不得以私其父而不敢君其父

守禮及當時將相王溥王晏韓令坤之父遊處恃勢恣橫洛人畏之謂之十阿父世宗既為太祖嗣人無敢言守禮子者但以元舅處之優其俸給未嘗至大梁嘗以小忿殺人有司不敢詰世宗知而不問

遂昌尹氏曰父有天下傳歸於子子有天下尊歸於父此理之正也然父有天下或無子之可傳子有天下或難於尊其父豈非禮之變乎夫堯授天下於舜舜固有瞽瞍存焉然舜不敢尊其父而君之者天下者堯之天下舜不得以私其父也舜雖不敢以私其父而孝養之禮則有加焉父共父而不敢君其父此舜之所以為大孝也桃應嘗問孟子瞽瞍殺人則如之何豈知舜之為子固不使瞽瞍有殺人之惡此正虞書所謂烝烝乂不格姦者舜處之有道也如使舜

世宗不父其父

綱夏四月周主還大梁綱六月周以王祚為潁州江今為天子瞽瞍至於殺人則舜固不足為舜矣柴世宗繼郭氏之周而其父至以小忿殺人則世宗所以處之者未盡其道爾守禮之悖未如瞽瞍之頑瞽瞍猶不殺人而守禮願乃殺人豈非世宗事父之孝有愧於舜乎誠使世宗為父築宮處之嚴密之地盡其父事之禮則守禮居移養移寧不自知愛重又烏有殺人之事哉是時郭氏既亡世宗君臨九五固可少行其志豈有身為天子而其父與凡臣等且置之別都狎伍羣小未嘗一至京闕則是世宗不父其父而天性之道亡矣又胡怪其有殺人之事哉故綱目於此不書元舅而特書周主之父者不子周人舅之也書爵書姓名者惡周主之臣其父也又書犯法周主不問者譏其父已殺人而猶置之不問不能迎致京師而奉養之使之人而猶置之也書法若此周主雖欲曲辭其責尚可得哉

純犬不足
為起

南鳳陽府團練使。目神。溥之父也。溥為宰相。祚有賓客。溥常朝服侍立。客坐不安。席祚曰。狔同大不足。為去聲起。綱。秋九月。周以竇儼為中書舍人。目儀。上疏請令有司討論禮儀。考正鐘律。作通禮。正樂。又以為政之本。莫大擇人。擇人之重。莫先宰相。自有唐之末。輕用名器。始為輔弼。即兼三公僕射夜之官。故其未得之也。則以趨競為心。既得之也。則以容默為事。乞令宰相各舉所知。且令以本官權知政事。期歲之間。察其職業。若果能堪稱。其官已高。則除平章事。未高。則稍

為政莫如
敦信

更遷官。權知如故。若有不稱。則罷其政事。責其舉者。又累朝屢詔聽民廣耕。止輸舊稅。及其既種。則有司履畝而增之。故民皆疑懼。而田不加闢。夫為政之生。莫如敦信。信苟著矣。則田無不廣。田廣則穀多。穀多則藏之民。猶藏之官也。世宗善之。儼儀之弟也。綱。冬十一月。周主自將伐唐。攻濠今江南。泗今鳳陽府。州今泗州。綱。十二月。唐泗州降周。周主遣擊唐兵。至楚州今江南。淮安府。大破之。綱。唐濠州降周。周主進兵攻楚州。遣兵取揚泰州。目。唐團練使郭廷謂欲以濠州降周。命參軍李

綱。監易知錄。卷六三。五代周世宗。九。

李延鄒
筆不作降
表

延鄒草降表。延鄒責以忠義。延謂以兵臨之。延鄒擲
筆曰。大丈夫終不負國。為叛臣作降表。延謂斬之。舉
城降。周世宗時。攻楚州。遣指揮使武守琦將騎數百
取揚州。今江西南世宗聞泰州。今揚州亦無備。遣兵襲
取之。

綱 戊午。周顯德五年。唐中興元年。南漢主春正月。

周主克唐楚州。唐防禦使張彥喲死之。二月。周主
至揚州。三月。唐以太弟景遂為首王。燕王弘冀為
太子。綱周主臨江。遣水軍擊唐兵。破之。唐主遣使盡

張彥喲死
節

陳覺請獻
四州

獻江北地。周主罷兵。引還。世宗如迎鑾鎮。今揚州
縣。屢至江口。遣水軍擊唐兵。破之。唐主恐。遂南渡。又
恥降號稱藩。乃遣陳覺奉表請傳位於太子弘冀。使
聽命於中國。時淮南。見上惟廬。今江西南舒安。今江西南蘄
其。今湖廣黃州。即黃未下。覺見周兵之盛。白世宗請
遣人度江。取表獻四州之地。畫江為境。以求息兵。辭
指甚哀。世宗曰。朕本興師。止取江北。今爾主能舉國
內附。朕復何求。賜唐主書。稱皇帝恭問江南國主。慰
納之。唐主奉表稱唐國主。請獻江北四州。歲輸貢物。

數十萬。於是江北悉平。世宗賜唐主書。諭以今當罷兵。不必傳位。綱夏五月。唐主更名景。去帝號。奉周正朔。唐主避周諱。更名景。下令去帝號。稱國王。去年號用周正朔。平章事馮延巳嚴續。樞密使陳覺皆罷。初延巳以取中原之策。說唐主。由是有寵。嘗笑烈祖唐馮延巳笑烈祖齷齷。南唐祖齷齷。握齷齷。錯。急迫。日安陸今湖廣德安府。所喪總數千兵。為之輟食咨嗟者旬日。晉高祖天福五年南唐於安陸兵敗。失亡四千餘人。唐主恠恨累日。此田舍翁識量耳。安足與成大事。豈如今上暴僕。師數萬於外。而擊毬宴樂無異。

平日真英主也。與其黨談論。常以天下為己任。更相唱和。翰林學士常夢錫屢言延巳等浮誕不可信。唐主不聽。夢錫曰。姦臣似忠。陛下不悟。國必亡矣。及是延巳之黨相與言。有謂周為大朝者。夢錫大笑曰。諸公常欲致君堯舜。何意今日自為小朝邪。眾默然。綱秋八月。南漢主晟殂。子鋹敞立。綱周遣閣蛤門使曹彬如吳越。目周遣曹彬以兵器賜吳越。事畢亟還。不受饋遺。去吳越人以輕舟追與之。至於數四。彬曰。吾終不受。是竊名也。盡籍其數。歸而獻之。世宗曰。卿之

何意今日自為小朝
南漢劉鋹立
曹彬
饋遺
曹彬不受

刻木為農夫蠶婦元稹均田圖

奉使者乞匄蓋無厭使四方輕朝命卿能如是甚善然彼以遺卿卿自取之彬始拜受悉以散於親識家無畱者綱冬十月周遣使均定境內田租目世宗畱心農事嘗刻木為農夫蠶婦置之殿庭欲均定天下租稅先以元稹軫均田圖元稹河南人唐憲宗朝策試制舉之士稹第一拜左拾遺出為河南監察御史後官膳部員外郎嘗著均田圖獻帝帝嘉納之賜諸道至是詔散騎常侍艾穎等三十四人分行上聲巡視也諸州均定田租綱十一月唐放其太傅宋齊丘于九華山見上卷十恭帝名宗訓世宗四子立為梁王年七歲世宗殂梁王立在位六月為趙匡胤所篡廢帝為鄭王而

王朴作律

周七矣

綱已未周顯德六年六月恭帝宗春正月周命王朴訓立是歲凡五國三鎮作律十二律定大樂綱二月周淮南饑書志恤民也目

周世宗貸民不責償

周世宗自將伐契丹

淮南見上饑世宗命以米貸之或曰民貧恐不能償世宗曰民吾子也安有子倒懸而父不為之解哉安在責其必償也綱三月周樞密使王朴卒目朴剛銳明敏智略過人及卒世宗臨其喪以玉鉞卓地慟哭數四不能自止綱夏四月周主自將伐契丹五月取瀛莫易置雄霸州遂趣趣幽州有疾乃還法書遂者何決辭也乃者

周世宗可謂英武之君

何不得已明唐世宗可謂英武之君矣伐北漢伐南
之辭也猶取關南如反掌使天意果厭契丹則幽燕之地可
以坐復惜乎未遂而遽止也綱目於此書周主自將
取瀛莫等州既致其喜之意然則綱目之情蓋可見矣匡
乃還又致其惜之意然則綱目之情蓋可見矣匡
薄伐獫狁見十世宗以北部未復幽薊等十六州
二卷七發明
下詔親征命親軍都虞候韓通等將水陸軍先發四
月通自滄州今直隸河治水道入契丹境柵於乾寧
軍治河間南補壞防開游口三十六遂通瀛瀛州即
莫府任丘縣車駕至滄州即日帥步騎數萬直趣
契丹之境非道所從言不由民間皆不之知契丹寧

州即乾寧軍陷入契丹刺史王洪舉城降詔以韓通為陸

路都部署我太祖為水路都部署自御龍舟沿流而

北舳舻見四相連數十里至獨流口獨流河之口

與濟縣北至靜海縣四十五里沂素流逆流而西至

益津關故址在直隸順天契丹守將終廷輝以城降

自是水路漸隘乃登陸而西宿於野次我太祖先至

瓦橋關故址在直隸保定府契丹守將姚內斌莫州

刺史劉楚信皆舉城降五月朔侍衛都指揮使李重

進等引兵繼至契丹瀛州刺史高彥暉舉城降於是

關南悉平。宴諸將於行宮。議取幽州。即順天府諸將曰。陛下離京四十二日。兵不血刃。取燕南之地。此不世之功也。今虜騎皆聚幽州之北。未宜深入。世宗不悅。是日趣促先鋒都指揮使劉重進先發。據固安。今順天府固安縣自至安陽水。命作橋。會日暮。還宿瓦橋。是夕不豫而止。契丹主遣使命北漢發兵撓擾周邊。聞周師還。乃罷。孫行友拔易州。今保定府易州擒契丹刺史李在欽獻之。斬於軍市。以瓦橋關為雄州。今保定府雄縣益津關為霸州。今順天府霸州命李重進將兵出土門。關名。在直隸真定府獲鹿縣。一名井

周世宗不受泉州貢

關擊北漢。韓令坤戍怒霸州。陳思讓戍雄州。遂還。重進敗北漢兵於百井。鎮名。有東西二。西在山西太原府陽曲縣。東在太原府平定州車駕至大梁。往還適六十日。綱六月。唐泉州遣使入貢于周。不受。綱唐清源節度治福建泉州府使畱從効遣使入貢。請置進奏院於京師。詔報之曰。江南近服。方務綏懷。卿久奉金陵。未可改圖。若置邸。見四八卷四上都與彼抗衡。受而有之。罪在於朕。綱唐城金陵。綱唐遣鍾謨入貢於周。世宗曰。江南亦治兵脩守備乎。對曰。既臣事大國。不敢復爾。世宗曰。不然。曩時則為讎敵。今

日則為一家。吾與汝國大義已定，保無他虞。然人生難期，至於後世，則事不可知。歸語汝主，可及吾時完城郭，繕甲兵，據守要害。見五十一為子孫計，謨歸以告唐主，乃城金陵。凡城之不完者，其緝之。或兵少者益之。

司馬溫公曰：或問五代帝王，唐莊宗、周世宗皆稱英武，二主孰賢？應之曰：夫天子所以統治萬國，討其不服，撫其微弱，行其號令，一其法度，敦明信義，以兼愛兆民者也。莊宗既滅梁，馬殷遣子希範入貢，莊宗曰：比聞馬氏之業終為高郁所奪，今有見如此，郁豈能得之哉？郁馬氏之良佐也。希範兄希聲聞莊宗言，卒矯其父命而殺之。此乃市道商賈之所為，豈帝王之體哉？故勝

周世宗宏規大度

梁之後，曾不數年，外內離叛，置身無所，誠知用兵之術，不知為天下之道，故也。世宗以信令御羣臣，以正義責諸國，王環以不降受賞，劉仁贍以堅守蒙褒，嚴續以盡忠獲存，馮道以失節被棄，張美以私恩見疎，江南未服，則親犯矢石，期於必克，既服，則愛之如子，推誠盡言，為之遠慮，其宏規大度，豈得與莊宗同日語哉？書曰：無偏無黨，王道蕩蕩。又曰：大邦畏其力，小邦懷其德。世宗近音王環，世宗遣王景伐蜀，克鳳州，擒其之矣。音王環，世宗遣王景伐蜀，克鳳州，擒其降也。劉仁贍，節度使，王環以驍衛將軍賞其不使，周還矯世宗命，謂唐主曰：聞江南連歲拒命，皆宰相嚴續之謀，當為我斬之。唐主未之信，復請於周，世宗大驚曰：審如此，則續乃忠臣，朕為天下主，豈教人殺忠臣乎？張美初，世宗在瀘州，美掌州之金穀，隸三司者，世宗或私有所求，美曲為供，副後以美治財，精敏，命權點檢三司事，然思其在瀘州所為，終不以公忠待之，無偏二

句周書洪範篇辭大邦
二句周書泰誓篇辭

綱周主立其子宗訓為梁王。臣初宰相屢請王諸皇子。世宗曰。功臣之子。皆未加恩。而獨先朕子。能自安乎。至是不豫。乃封宗訓為梁王。生七年矣。綱周以魏仁浦同平章事。我太祖為殿前都點檢。臣世宗欲相仁浦。議者以仁浦不由科第為疑。世宗曰。自古用文武才略為輔佐者。豈盡由科第邪。乃以王溥范質皆參知樞密院事。仁浦同平章事。樞密使如故。仁浦為人謙謹。世宗性嚴急。近職有忤旨者。仁浦多引罪歸

李濤能見
未形

已以救之所全活。什七八。故雖起刀筆吏。古者書用則以刀削去之。故致位宰相。時人不以為忝。又以吳延祚為樞密使。韓通充侍衛親軍副都指揮使。我太祖兼殿前都點檢。世宗嘗問相於兵部尚書張昭。昭薦李濤。世宗愕然曰。濤輕薄。無大臣體。卿薦之何也。對曰。陛下所責者。細行也。臣所舉者。大節也。昔張彥澤虐殺不辜。濤累疏以為不殺必為國患。漢隱帝之世。濤亦上疏請解先帝兵權。夫國家安危未形。而能見之。此真宰相器也。世宗曰。卿言甚善。然濤終不可

置之中書。濤喜詼諧。見十三卷不脩邊幅。見九卷與弟

澣。緩甚友愛而多謔浪。謔戲也。浪放蕩也。詩邶風終風篇謔浪笑敖。無長

幼體。世宗以是薄之。又以翰林學士王著幕府。見四卷

二舊僚。屢欲相之。亦以其嗜酒無檢而罷。綱周主榮

殂。榮王宗訓立。目世宗大漸。見五八卷三一名范質等入受

顧命。見三卷七謂曰。王著藩邸故人。朕若不起。當相之。質

等出相謂曰。著終日遊醉鄉。豈堪為相。慎毋泄此言。

是日世宗殂。世宗在藩多務。韜晦。及即位。破高平之

寇。見上卷三二人始服其英武。其御軍號令嚴明。人莫敢

王著終日遊醉鄉

犯。攻城對敵。矢石落其左右。略不動容。應機決策。出

人意表。又勤於為治。發姦擿摘伏。見二十五卷二七聰察如神。

閒暇則召儒者讀前史。商確大義。性不好絲竹珍玩

之物。常言朕必不因喜賞人。因怒刑人。又言太祖養

成王峻王殷之惡。致君臣之分不終。廣順三年正月。貶王峻為商州

司馬。以病卒。八月。王殷自鄴都入朝。太祖殺之。故羣臣有過。則面質責之。服

則赦之。有功。則厚賞之。文武參用。各盡其能。人無不

畏其明而懷其惠。故能破敵廣地。所向無前。然用法

太嚴。羣臣職事。小有不舉。往往置之極刑。雖素有才

幹聲名無所開宥尋亦悔之末年寢寬登遐亦作升

作登霞曲禮莊子俱作登假之日遠邇哀慕焉梁王

宗訓卽皇帝位綱秋七月周以我太祖領歸德今河

德府軍節度使

右後周三主共十年

尺水堂網鑑易知錄卷六三

早稲田大学図書館

011688996530